

ಬೌದ್ಧ
ವಿಜ್ಞಾನ
ದೃಶ್ಯ
ದೃಶ್ಯ

ಭೂತಾಳಹಾಂಡ್ಯನ
ಕಟ್ಟ ಕಟ್ಟೆಲು

ಮೂಲ ಹೆಸರು: STUDIES IN TULUVA

HISTORY AND CULTURE

ಡಾ. ಗುರುರಾಜ ಭಟ್

ತರ್ಜುಮೆ: ಮಹಿ ಮಲ್ಲ



Bhūtālapāṇḍyana kaṭṭu kaṭlelu

A translated work by **Mahi Mulki**

Source: Studies in Tuluva History and Culture, **Dr. P. Gururaja Bhat**

Published by

Punname publications

Golithady, Ramakunja

Tulunad -574241

Ph: 8073216033

Cover Page Design: Jayaghosh



copyright ©

All rights reserved with Tulu Cultural Research Foundation® (TCRF)

ಕಡೀರ್ದ ಪಾತೆರ

ಒವ್ವೇ ಒಂಜಿ ಬಾಸೆದ ಸಾಹಿತ್ಯಲೋಕೊಡು ಅನುವಾದ ಸಾಹಿತ್ಯೋಲೆಗ್ ಅಯಿನವೇ ಆಯಿನ ಮಹತ್ವೊಲು ಉಲ್ಲ ನಮ್ಮ ಆಲೆಚನೆಲೆನ ಮಿತ್ತ್, ಮನ್ನಿ ಬೇಲೆಲೆನ ಮಿತ್ತ್, ತೂಪಿ ದಿಟ್ಟಿದ ಮಿತ್ತ್ ನಮ ಪಾತೆರುನ ಬಾಸೆದ ಪ್ರಭಾವ ಇಪ್ಪುಂಡು. ನಮ್ಮ ವ್ಯಕ್ತಿತ್ವೊದ ಮಿತ್ತ್ಲಾ ನಮ ಪಾತೆರುನ ಬಾಸೆದ ಪ್ರಭಾವ ಇಪ್ಪುಂಡು.

ನರಮಾನ್ಯನ ಆಲೆಚನೆಲು ಅನಂತ. ಅವೆಕ್ ಕಡಿ ಇಜ್ಜಿ ಕಡಿದಾಂತಿ ಕನೊಕುಲೆನ್ ಒಂಜಿ ಬಾಸೆಡ್ ಕಣ್ಣೆದುರು ಜಪ್ಪಾಂಡ ಅವ್ವು ಆ ಬಾಸೆದ ಸಂಸ್ಕೃತಿ - ಆಚಾರ- ಇಚಾರೊಲೆಡ್ ದಿಂಜಿದಿಪ್ಪುಂಡು. ಕುಡೊಂಜಿ ಬಾಸೆಗ್ ಅನುವಾದ ಆನಗ ಆ ಬಾಸೆದ ಸಂಸ್ಕೃತಿ- ಆಚಾರ- ಇಚಾರೊಲೆದರ್ವರ ಪೊಸತೊಂಜಿ ಲೋಕೊನೇ ಉಂಡಾಪುಂಡು. ಅಂಚಿನ ಶಕ್ತಿ ಅನುವಾದ ಸಾಹಿತ್ಯೋಲೆಗ್ ಉಂಡು.

ತುಳುಬಾಸೆಡ್ ಬಾರಿ ಮಲ್ಲ ಸಂಖ್ಯೆಡ್ ಅತ್ತಂಡಲಾ ಒಂಜಾತ್ ಪ್ರಮಾಣೊದ ತರ್ಜುಮೆ (ಅನುವಾದ) ಸಾಹಿತ್ಯೊಲು ಉಲ್ಲ ಮಿಷನರಿನಕುಲು ಅಕಲ್ನ ಧರ್ಮ ಶಾಸ್ತ್ರೊಲೆನ್, ಭಾಷಾಧ್ಯಯನೊಲೆನ್, ನಮ್ಮ ಜಾನಪದೀಯೊಲೆನ್ ತರ್ಜುಮೆ ಮಲ್ಪುನೆರ್ದ್ ಸುರು ಆಯಿನ ತುಳುತ ಅನುವಾದ ಸಾಹಿತ್ಯಲೋಕ ಪಣಿಯಾಡಿದಾರೆನ ತುಳು ಚಳವಳತಪಗ ಉತ್ತುಂಗೊಗು ಪೋದು ಇನಿತ ಕಾಲಘಟ್ಟೊಗು ಎತ್ತೆದ್ಂಡ್.

ತುಳುತ ಸುರೂತ ಭಗವದ್ಗೀತೆದ ಅನುವಾದ ಮುಲ್ಕಿ ನರಸಿಂಗ ರಾಯೆರೆನ 'ಗೀತೆ ಮಲ್ಲಿಗೆ' ದ್ ಪತ್ತೆದ್, ಕೆಲಿಂಜ ಸೀತಾರಾಮ ಆಳ್ವೆರೆನ 'ಗೀತೆದ ತಿರ್ಲ್', 'ತುಳು ಹರಿಶ್ಚಂದ್ರ ಕಾವ್ಯೊ', ಕೆದಂಬಾಡಿ ಜತ್ತಪ್ಪ ರೈಕೆನ 'ಅಜ್ಜಬಿರು', 'ಸಿರಿರಾಮಾಶ್ವಮೇಧ', 'ಕುಜಿಲಿ ಪೂಜೆ'(ಉರ್ದು ರುಬಾಯತ್ ಅನುವಾದೊ), 'ಅಸಿನಿಯಾಗೋ ಕಾಂತಗೋ ಜೋಗಿ', ಡಾ. ಅಮೃತ ಸೋಮೇಶ್ವರೆರ್ ಬರೆತಿನ ಫಿನ್ಲೆಂಡ್ ದೇಶೊದ ಜಾನಪದ ಕಾವ್ಯ ಕಾಲೆವಾಲದ ಅನುವಾದ 'ಮೋಕೆದ ಬೀರೆ ಲೆಮಿನ್ಕಾಯೆ', ಪುರಲ್ ಬಾಲಕೃಷ್ಣ ಶೆಟ್ಟಿನ ಮಂಕುತಿಮ್ಮನ ಕಗ್ಗೊದ ತುಳು ಅನುವಾದ 'ಪೊಡುಂಬ ತಿಮ್ಮನ

ಕಗ್ಗ, ಇಂಚ ನನಲಾತ್ ಜನ ದಿಗ್ಗಜಿರ್ ತುಳುಕ್ ತರ್ಜುಮೆ ಮಲ್ತಾದ್ ಬೇತೆ ಲೋಕೋಲೆನ್ ತುಳುತ ಕನ್ನಡಕೊಡು ತೂಪಿಲೆಕ ಮಲ್ತ ಕೊರ್ತೆರ್.

ಬೇತೆ ಬಾಸೆಲೆರ್ಡ್ ತುಳುಕು ಅತ್ತಂದೆ, ತುಳುರ್ಡ್ ಬೇತೆ ಬಾಸೆಲೆಗ್ ಅನುವಾದ ಆತಿನಂಚಿನ ಉತ್ಕೃಷ್ಟ ಮೂಲ ತುಳು ಸಾಹಿತ್ಯ ಕಜ್ಜೊಲುಲಾ ತುಳುಟ್ ನಡತ್‌ದ.

ತುಳುಟ್ ಮೂಲಸಾಹಿತ್ಯೋಲೆನ ಒಟ್ಟುಗು ನನಲಾತ್ ಅನುವಾದ ಸಾಹಿತ್ಯೋಲೆನ್ನಾ ಕನವೊಡು ಪನ್ನಿನ ದಿಟ್ಟಿ ದೀವೊಂದು ತುಳು ಸಾಂಸ್ಕೃತಿಕ ಸಂಶೋಧನಾ ಪ್ರತಿಷ್ಠಾನೊದ ಅಂಗಸಂಸ್ಥೆ ಪುಣ್ಯಮೆ ಪ್ರಕಾಶನೊದ ಕರ್ಡೆರ್ಡ್ ಕರ್ಡೀರ್ಡ್ ಅನುವಾದೊದ ಒರುಟು ಡಾ. ಪುಂಡೂರು ಗುರುರಾಜ ಭಟ್ ಸಂಪೊಲ್ತಾದ್ ಕೊರ್ತಿನ ಭೂತಾಳಪಾಂಡ್ಯನ ಕಟ್ಟು ಕಟ್ಟಳೆಗಳು ಪನ್ನಿನ ಕನ್ನಡೊದ ಬರವುರ್ಡ್ ಗೆತೊಂದ. ದುಂಬಗ್ ತುಳು ಸಾಹಿತ್ಯ ಲೋಕೊದ ಬೆನ್ನಿಡ್ ನನಲಾತ್ ಬುಲೆಕ್ಲೆನ್ ಬುಲೆಪುನ ಶಕ್ತಿನ ಆ ಬೆರ್ಮೆರ್ ಕೊರೊಡೊಂದು ನಟ್ಟೊಂದು 'ಭೂತಾಳಪಾಂಡ್ಯನ ಕಟ್ಟು ಕಟ್ಟಿಲು' ಮಸ್ತಿರೆನ್ ನಿಕಲ್ನ ಎದುರು ದೀವೊಂದುಲ್ಲ.

- ನಿಶ್ಚಿತ್ ಜಿ ರಾಮಕುಂಜ

ಸಂಚಾಲಕೆರ್

ಪುಣ್ಯಮೆ ಪಬ್ಲಿಕೇಶನ್

(ತುಳು ಸಾಂಸ್ಕೃತಿಕ ಸಂಶೋಧನಾ ಪ್ರತಿಷ್ಠಾನ (ರಿ.) ದ ಅಂಗಸಂಸ್ಥೆ)

ಅನುವಾದಕರ್ನ ಪಾತೆರ

ತುಳುನಾಡ್‌ದ ಇತಿಹಾಸದ ಬಗೆಟ್ ಅಧ್ಯಯನ ಮಲ್ತ್ ಮಸ್ತ್ ಜನ ಗ್ರಂಥೊಲೆನ್ ಬರೆತೆರ್. ಈ ಬಗೆಟ್ ಸುರುಕಾದ್ ದೇಶೀಯ ಬರವುಗಾರೆರೆನ ನಿಲೆಟ್ ಪೊಳಲಿ ಶೀನಪ್ಪ ಪೆರ್ಗಡೆರ್ 'ದಕ್ಷಿಣ ಕನ್ನಡ ಜಿಲ್ಲೆಯ ಚರಿತ್ರೆ ಬೊಕ್ಕ ಭೂತಾಳಪಾಂಡ್ಯನ ಅಳಿಯಕಟ್ಟು' ಪನ್ದ ನೆಟಿ ಪ್ರಚಲಿತೊಡಿಪ್ಪುನ ಕತಿ, ಐತಿಹ್ಯೊಲೆನ್ ಆಧಾರವಾದ್ ದೀದ್ ಬರೆತೆರ್. ಭೂತಾಳಪಾಂಡ್ಯನ ಚರಿತ್ರೆ ಬೊಕ್ಕ ಅವರ ಕಟ್ಟ್ ಕಟ್ಟೆಲು ಇತಿಹಾಸನಾ ಅತ್ತ್ ಒಂಜಿ ಐತಿಹ್ಯನಾ ಪನ್ನಿನ ಗೊಂದಲೊನು ಬರಿಕ್ ದೀಂಡ, ತುಳುನಾಡೊರ್ಮೆ ಅವರ ಕಟ್ಟ್ ಉಪ್ಪುನ ಸತ್ಯ ಮಾತ್ರ ಅತ್ತಂದೆ ಏತೋ ಕಟ್ಟ್ ಕಟ್ಟೆಲು ಇತ್ತೆಲಾ ತುಳುವೆರ್ ಪಾಲಿತೊಂದು ಬರೊಂದುಲ್ಲೆರ್. ಅಂಚಾದಿಪ್ಪುನಗ ಉಂದು ಪೂರಾ ಕಂತೆ-ಪುರಾಣ ಪನ್ದ ಬರಿಕ್ ದೀಪಿನ ತಪ್ಪು ಕೆಲವು ಉತ್ಪ್ರೇಕ್ಷೆಲು ಇತ್ತಂಡಲಾ ಈ ಚರಿತ್ರೆಡ್ ಐತಿಹಾಸಿಕ ಅಂಶೊಲು ಉಲ್ಲ ಪನ್ದ ನಮ ಗೆರೆತೊನುನವೇ ಸಮ. 'ಭೂತಾಳಪಾಂಡ್ಯ ಚರಿತ್ರೆ' ಪನ್ನಿನ 13 ಅಧ್ಯಾಯ ಉಪ್ಪುನ ಸಂಸ್ಕೃತ ಪುಸ್ತಕ, ಈ ಪುಸ್ತಕೊಡು ಈ ವಂಶದ ವಿಷಯೊಲೆನ್ ವಿವರವಾದ್ ಬರೆತೆರ್. ಈ ಚರಿತ್ರದ ಪ್ರಕಾರ ಭೂತಾಳಪಾಂಡ್ಯ ಕ್ರಿ.ಶ 78 ಡ್ ತುಳುನಾಡ್‌ನ್ ಆಳ್ವಿಕೆ ಮಲ್ತೊಂದಿತ್ತೆ ಪನ್ದ ಪನೊಲಿ. ಈ ಭೂತಾಳಪಾಂಡ್ಯ ಚರಿತ್ರೆ ಬೊಕ್ಕ ಕಟ್ಟ್ ಕಟ್ಟೆಲೆನ ಒಂಜಿ ಭಾಗೊನು ಡಾ|| ಪಿ.ಗುರುರಾಜ ಭಟ್ ತನ್ನ ಗ್ರಂಥ Studies in Tuluva History and Culture ದ ಅಕೇರಿಡ್ ಕನ್ನಡೊಡು ಕೊರ್ತೆರ್. ಉಂದೆತ ತುಳು ಅನುವಾದನೇ ಈ ಎಲ್ಯ ಪುಸ್ತಕ.

ಭೂತಾಳಪಾಂಡ್ಯನ ಚರಿತ್ರೆ ಜೈನೆರ್ನ ಪರಂಪರೆಗ್ ಸೇರಿನ ಐತಿಹ್ಯ ಈ ಚರಿತ್ರದ ಪ್ರಕಾರ ಈ ವಂಶದಕುಲು ಕ್ರಿ.ಶ 78 ಡ್ ಕ್ರಿ.ಶ 343 ಮುಟ್ಟು ತುಳುನಾಡ್‌ನ್ ಆಳ್ವಿಕೆ ಮಲ್ದೆರ್. ಪಡವು ಕಟ್ಟ್ ಕಟ್ಟೆಡ್ ಪಿದಯಿ ದೇಶೊಲೆಗ್ ಪೋದು ಬೇರ-ಸಂಪತ್ತುಲೆಡ್ ಮೊಕುಲು ಬಾರೀ ಬಿಸೆರಾದಿತ್ತೆರ್. ಕ್ರಿ.ಶ 343ಡ್ ಬೊಕ್ಕ ಭೂತಾಳಪಾಂಡ್ಯನ ವಂಶ ನಾಶ ಆಂಡ್. ಈ ಐತಿಹ್ಯೊನು ಪತೊಂದು ತುಳುನಾಡ್‌ದ

ಇತಿಹಾಸ ಬರೆತಿನ ಎಂ.ಗಣಪತಿರಾವ್ ಐಗಲ್ ಮೇರ್ಲಾ ವಿಸ್ತೃತವಾದ ತನ್ನ ಗ್ರಂಥ 'ದಕ್ಷಿಣ ಕನ್ನಡ ಜಿಲ್ಲೆಯ ಪ್ರಾಚೀನ ಇತಿಹಾಸ' ಪನ್ನಿನೆಟ್ಟ್ ಈ ವಂಶದ ವರದಿ ಮಲ್ದಿರ್. ಜಯವೀರಪಾಂಡ್ಯ ಪನ್ನಿ ಪುದರ್ದ ಅರಸರ್ದ್ ಬೊಕ್ಕ ಈ ವಂಶ ನಾಶ ಆಂಡಲಾ, ಭೂತಾಳಪಾಂಡ್ಯರ್ನ ಅರಂತಡೆ, ಸಿಂಹಾಸನ ಇತ್ತಿನ ಜಾಗೆ ಇತ್ತೆಲಾ ಬಾರ್ಕೂರುಡು ಉಂಡು.

ಭೂತಾಳಪಾಂಡ್ಯನ ಕಟ್ಟೆ ಕಟ್ಟೆಲು ಪೂರಾ ಇತ್ತೆದ ಕಾಲೊಗು ಪ್ರಸ್ತುತ ಅತ್ತೆ. ದುಂಬುದ ಕಾಲೊಡು ಜಾತಿ ನೀತಿಲೆನ ಮಿತ್ತ್ ದಡೀತ ವ್ಯವಸ್ಥೆ ಉಪ್ಪುನಗ ಅವ್ ನಡತೊಂದಿತ್ತೆಂಡ್. ಇತ್ತೆ ಸಂವಿಧಾನಾತ್ಮಕವಾದ್ ನಮಕ್ ತಿಕ್ಕಿನ ಸ್ವಾತಂತ್ರ್ಯ ಉಂಡು. ಮಿತ್ತ್ ತಿರ್ತ್ ಮಲ್ಲ ಎಲ್ಯ ಪನ್ನಿನ ಒವ್ವೇ ತಾರತಮ್ಯ ದಾಂತೆ ಬದ್ಕುನ ಹಕ್ಕ್ ಮಾತೆರೆಗ್ಲಾ ಉಂಡು. ಅಂಚಾದಿಪ್ಪುನಗ ಭೂತಾಳಪಾಂಡ್ಯನ ಕಟ್ಟೆ ಕಟ್ಟೆಲೆಡ್ ಬರ್ಪಿ ವಿಷಯೊಲೆನ್ ಕಾಲಿ ಅಧ್ಯಯನ ಬೊಕ್ಕ ದಾಖಲೀಕರಣದ ದಿಟ್ಟಿಡ್ ಮಾತ್ರ ತೂವೊಡು ಅತ್ತಂದೆ ಅವ್ ಇತ್ತೆದ ಸಾಮಾಜಿಕ ವ್ಯವಸ್ಥೆನ್ ಪ್ರತಿನಿಧಿಸಾವುಜಿ. ಈ ಕೃತಿತ ಒಂಜಿ ಮಲ್ಲ ಅಂಶೊನು ಕನ್ನಡೊಡು ಕೊರ್ದು ಎಂಕುಲು ಉಂದೆನ್ ತುಳುಟು ಅನುವಾದ ಮಲ್ಪರೆ ಸುಲಭ ಆಪಿಲೆಕ್ ಮಲ್ದಿನ ತುಳುನಾಡ ಇತಿಹಾಸ ಕರ್ತೃಲೆಡ್ ಮಲ್ಲ ಪುದರ್ ಗುರುರಾಜ ಭಟ್ಟೆರೆಗ್ ಸುರುಟು ಸೊಲ್ಮೆ ಸಂದಾವೊಂದುಲ್ಲ. ತುಳು ಕಲ್ಚರಲ್ ರಿಸರ್ಚ್ ಫೌಂಡೇಶನ್‌ದ್ ನನಲಾತ್ ಅನುವಾದ ಕೃತಿಕುಲು ಬರಡ್ ಪನ್ದ್ ಆಶಿಸೊಂದುಲ್ಲ. ಅನುವಾದೊಡು ದಾದಾಂಡಲ ತಪ್ಪು ಇತ್ತೆಂಡ ಮನ್ನಿಪೊಡು.

- ಮಹಿ ಮುಲ್ಕಿ

ಕನ್ನಡೊರ್ದು ತರ್ಜುಮೆ ಮಲ್ತಿನಾರ್

ಗುರ್ಕಾರ್ಲು, ತುಳು ಕಲ್ಚರಲ್ ರಿಸರ್ಚ್ ಫೌಂಡೇಶನ್ (ರಿ.)

വന്നിന വെന്തു ഹെദഗ മുംഗഡാദര ഉംബുന ദശെമുലൻ ക്രമനാഡല വെലി
 ദാദരംദ വഡനുലൻ ബുഡമ വന്നുഗ, ക്രമം തന്നു ദബാഡദി ദശെമുലൻ
 ഘൽ, വദുമി വെംഗാർ തുവദി ഉംദട ക്രമനാഡല നരവെലി ദാമ വൻ
 ദശെമുലൻ ുവ വൽ ഉര മനാ ശെനമുലന ഹെദു ുവ വദുമി വെംഗാർ
 ദബാഡി വൻ ശെൽ ദവദമലു. ഹെവഗ ുവ വൽ ഉര മനാ ശെഗൽ ഉമു
 ഹെരമു വുശെ വരിവര മദതലി ുവ ഹുതാമവംഡുരമൻ വുടും
 വുവവുലൻ ദതരിദ, ുവ ഉദുരമ ഉദുശിദമട ുവ ഹുതാമവംഡു രമമന
 വെഡുമു വൻ, ുവ ശെനമുലന വുവര ക്രമ ഉദുരമ, ഉദുശിദമൻ ദദതാദ
 ക്രമ ഉദുരമനു ദമദശുരന ഉന്നിഡിഡ രമമംദ ഗുനല ഉൽ ദിദ, ക്രമ
 ദമദശുരൻ ഉദുശുര വന്നി വുദൻ ദിദ, മുംഗഡാദരൻ ഉന മുംഡിഡ മടുംദ,
 വെംവ വുതിവു മലുവ, വെംഗാർ ഉവ ദിവ ഹെശെ ദമരി ഉനമു വെലി ദമദ
 ഉമു വുശെ വരിവരമലു മൂഗിവന വെന്തു, ുവ മുംഗഡാദര ടരി മരീന
 കെച്ചിഡ വൽ ഹെരമുവു വുശെമുലനു ടെശെ മടുംഡ നഡവഡു വൻ,
 മദതലി ടെശെ മൂദിഡ നഡതാനുവ വൻ മടും ദമ വൽ ദബാമ, ഹെരമുലി
 വുശെമുലി ഹെൻത മടും ഡ നഡവഡു വൻ വദിനാൽ മടും, വദിനാശരി
 മടുംമ ദഗഡാദ ശെഗൽ ദ നരമിംഗ ദദനര നഡ മംദവഡു വെരവദി
 ശെഗൽ ദ ഹെനംദശുര ദദനൻ നഡ മംദവഡു തവന മൽ, ുവ മടും മടുംല
 തൽ നഡതിനമന ഉംതാന നിയംതാനവദി ദവവഡ വൻ ദമ വൽ ദ വെലിമര
 ദമദർ, ുവ ദമമംദമ ുവ മടും ഗ് ഹെഡിദനാത വൻ ക്രമ നരശിംഗ
 ഹെനംദശുര മലദനമലു വൻ, ദിമ ഡ ുവ വുശെ വരിവരമലു
 ദമദർ, ഹെനംദശുര ദവലുദ ദമുതുവലൻ, ുവ ശെഗൽ ദ നരമിംഗ ദദനൻ
 വെലമഗിലു ഘമുശിരിൻ, ുവ മുംഗഡാദര ദമമംദമൻ, ുവ മെ വെരി ഹെൻദ
 ഉംതാനാഗു മൂന ദദനമലു വൻ, ുവ ഹുതാമവംഡു രമമൻ മെ വെ ശെമു
 ക്രമുദ മലുവംദിതിന വെന്തു ഹുതാമവംഡുരമൻ മദിമ മലുവ ഡമു മിമ
 മഡവുദു ഹെലു ദശെമനര ശെതി ദമമണ്ണ, വെമണ്ണ വന്നിനമലൻ
 ഘവുവ, ഹെമലന വെലമുവു വദിരഡ മന്നിമൻ ഘവുവ മദിമ മൽ, ക്രമ
 ശെമംതിമ വന്നി നഗരഗു വദിരഡ മന്നിമൻ മദിമ മലിന മനവനാഗു
 വെരമുവുവ വന്നി വുദൻ ദിദ, ക്രമ വദിരഡ മന്നിമൻ വടു രാമീലു മൽ

ಭೂತಾಳಪಾಂಡ್ಯನ ಕಟ್ ಕಟ್ಟೆಲು

ಶಾಲಿವಾಹನ ಶಕ ವರುಷ ೧ನೇ ಈಶ್ವರನಾಮ ಸಂವತ್ಸರಂಟ್ ದೇವಪಾಂಡ್ಯರ್ನ್ ಅರ್ವತ್ತೆ ಭೂತಾಳಪಾಂಡ್ಯರೆಗ್ ಮಾಘ ಶು.೩ ಶುಕ್ರಾರ ಉತ್ತರಾಭಾದ್ರಾ ಬೊಳ್ಳಿ ವೃಷಭ ಲಗ್ನೊಂಟು ದೇವೇಂದ್ರೆ ವಿಕ್ರಮಾದಿತ್ಯಗ್ ಕೊರ್ತಿ ಸಿಂಹಾಸನೊಂಟು, ವಿಜಯನಗರೊಂಟು ಪಟ್ಟಾಭಿಷೇಕ ಆಂಡ್. ಅವ್ ಎಂಚ ಪಂಡ - ಪಾಂಡ್ಯದೇಶೊಂಟು ಒರಿ ದೇವ ಪಾಂಡ್ಯ ಪನ್ನಿನ ಸಾವುಕಾರೆ ಪೊಸ ಪಡವುಲೆನ್ ಕಟ್ಟಾದ್, ಅವೆಟ್ ಲಕ್ಷಾಂತರ ವರನ್ಲೆನ ಪದ್ದೆಯಿ ಬಂಗಾರ್ಲೆನ್ ದಿಂಜಾದ್, ಪಡವುಲೆನ್ ಜಪ್ಪಾವು ಪೊರ್ತುಡು ಅಪಗ ಪೊಸ ಪಡವುಂದು ದಿಟ್ಟಿ ದೀಯಿ ಕುಂಡೋದರ ಪನ್ನಿ ಶಿವಗಣೊ ನರಬಲಿನ್ ಕೇನ್ಂಡ್. ಅಪಗ ದೇವಪಾಂಡ್ಯ ತನ್ನ ಬೂಡುಗು ಬತ್ತ ತನ್ನ ಬೊಡೆದಿಡ ಏಳ್ ಜನ ಜೋಕುಲೆಡ್ ಒಂಜೆನ್ ಬಲಿ ಕೊರ್ಪಿನ ಗೆರೆಪುನಗ ಬೊಡೆದಿ ತನ್ನ ಏಳ್ ಜನ ಜೋಕುಲೆನ್ ಪತ್ತೊಂದು ಅಪ್ಪೆಲ್ಲಗ್ ಪೋಯೊಲು. ಅಪಗ ದೇವಪಾಂಡ್ಯ ಸಾವುಕಾರೆ ನುಪ್ಪು ನೀರ್ ಬುಡ್ಡ್ ಎತೆದತ್ತ ಪಜೆ ಪತ್ತನಗ ಈ ಪಾತೆರ ತೆರಿನ ಅರೆನ ತಂಗಡಿ ಸತ್ಯವತಿ ಕೇಂದ್, ಬತ್ತ ತಗೆನ್ ಪಾತೆರ್ಪಾದ್, ನಡತಿ ಸಂಗತಿ ತೆರಿಡ್ ಈ ಎಲ್ಯ ಕಜ್ಜೊಗು ಈ ಪೋಡ್ಯಡ ಎನ್ನ ಮಗೆ ಜಯಪಾಂಡ್ಯ ಪನ್ನಿ ಆನನ್ ಬಲಿ ಕೊರ್ಲ ಪನ್ದ ವನಸ್ ಬಾಜೆಲ್ ಕೊರ್ದು ಮಾನಾದ್ ತನ್ನ ಮಗೆ ಜಯಪಾಂಡ್ಯನ್ ಕೊರ್ದು ಕಂಡನೈ ಇಲ್ಲಗ್ ಪೋಪೊಲು. ಈ ಜಯಪಾಂಡ್ಯ ಏರ್ ಪಂಡ ಆ ರಾಜ್ಯೊದ ವೀರಪಾಂಡ್ಯ ಪನ್ನಿನಾಯನ ಮಗೆ. ಆಯೆ ಚಂದ್ರಾಂಗದ ರಾಯರ್ದ್ ಸೋತುದಿತ್ತೆ. ಅಂಚಾದ್ ಬಲಿ ಕೊರ್ಪಿ ಪೊರ್ತುಡು ಉಂಬೆ ಮಹಾಪುರುಷ ಪನ್ದ ಗೆರೆತ್ ಆ ಕುಂಡೋದರಾನ್ನಿ ಭೂತರಾಜೆ ಈ ದೇವಪಾಂಡ್ಯನ ಪಡವುಲೆಗ್ ಬಲಿ ದೆತೊನಂದೆ, ಈ ಜಯಪಾಂಡ್ಯಾನ್ನಿ ಆನಗ್ ಪ್ರಸನ್ನವಾದ್ ಇಂಚ ಪನ್ನೆ- ಯಾನ್ ನಿಕ್ಕ ಪ್ರಸನ್ನವಾಯಿಂಚಿ ನೆವನ ದಾನೆಂದ್ ಪಂಡ ಈ ಎನ್ನ ಪುದರ್ ದೆತೊಂದು, ಭೂತಾಳಾದಿಪೆಯಾದ್, ಭೂತಾಳಪಾಂಡ್ಯೆನ್ನಿ ಪುದರ್ ಪಡೆಯೊಂಡಡ ನಿನ್ನ ಸೋಪಾಯಿ ಚಂದ್ರಾಂಗದೆ ಆಳ್ತಿ ಮಾತಾ ರಾಜ್ಯೊನು ಶಿವನ ಅಪ್ಪಣೆದಲೆಕ್ಕೊ ಕೊರ್ಪೆ ಪನ್ದ ಭೂತರಾಜೆರ್ ಆ ಪೊರ್ತು ಉಜ್ಜಯಿನಿ ಪನ್ನಿ ನಗರೊನು ಪೊಗ್ಗುದು ಅಲ್ಪ ಇಷ್ಟಭೈರವಾದಿ ದೇವತೆಲೆನ್ ಜಯಿತ್, ಅಲ್ಪ ವಿಕ್ರಮಾರ್ಕಗ್ ದೇವೇಂದ್ರೆ ಕೊರ್ತಿ ಪ್ರತಿನಿಧಿಸಿಂಹಾಸನೊನು ಈ ಭೂತಾಳಪಾಂಡ್ಯಗ್ ಕೊರ್ದು, ಆ ಭೂತಾಳಪಾಂಡ್ಯನೊಟ್ಟು ಜಯಂತಿಕಾನಗರೆಗು ಬತ್ತ ಪ್ರವೇಶಿತರ್.

ಅಲ್ಪ ಪಟ್ಟಸಿಂಹಾಸನೊನು ಆಳೊಂದಿತ್ತಿ ಸಿದ್ಧವೀರಪ್ರಸಿದ್ಧರಾಯರ್ ರಾಜ್ಯಭಾರ ಮಲ್ತೊಂದಿಪ್ಪುನಗ ಆ ಅರಸಗ್ ಈ ಕುಂಡೋದರೆ ನಾನಾ ಉಪದ್ರ ಕೊರ್ದು, ಸಂಹಾರ ಮಲ್ತ್, ಆ ಸಿದ್ಧವೀರಪ್ರಸಿದ್ಧರಾಯಗ್ ಸಂತಾನ ಮುತ್ತಿನ ನೆವನೊಡು ಮಾತಾ ಪ್ರಜೆ ಪರಿವಾರೊ ಸೇರ್ವ್ ಆನೆದ

ಸೊಂಡಿಲ್ಡ್ ಪೂಮಾಲೆ ಕೊರ್ದು ಮೆರವಣಿಗೆ ಮಲ್ಪುನ ಪೊರ್ತುಡು, ಆ ಆನೆ ಜಯಪಾಂಡ್ಯನ ಕಂಟೆಲ್ಡ್ ಪೂಮಾಲೆ ಪಾಡ್ಡ್ ದೇವೇಂದ್ರನ ಸಿಂಹಾಸನೊಡು ಆ ಆನನ್ ಕುಲ್ಲಾದ್, ಸುರುಟು ಪಂಡಿನ ಲಗ್ನಾಕಾಲೊಂಟು ಆ ಸಿಂಹಾಸನದೊಟ್ಟುಗು ಆನನ್ ಕನತ್ ಆ ಅರಂತಡೆತ ಚಾವಡಿ ನಡುಟು ದೀದ್, ಸಮಸ್ತ ಪ್ರಜೆ ಪರಿವಾರ ಆಯಗ್ ಪಟ್ಟ ಕಟ್ಟಾದ್, ಉಡುಗಿರೆ, ಉಚಿತ, ಪಟ್ಟ ಕಾಣಿಗೆ ಕೊರ್ದು ತನ್ನ ತನ್ನ ಇಲ್ಲಗ್ ಪೋಯೆರ್.

ಆನಿರ್ಡ್ ಆಜಿ ವರ್ಸ ಆ ಅರಸೆ ರಾಜ್ಯಭಾರ ಮಲ್ತೊಂದಿತ್ತಿಪ್ಪುನಗ ನಡುಟು ಆ ಪೊರ್ತುಡು ಜೋಕುಲೆ ಸಂತಾನ ದೆತ್ತ್ ಅವತ್ತ ಸಂತಾನ ಕಟ್ಟ್ ನೆವನ ದಾದ ಪನ್ನ - ಆಜನೇ ವರ್ಸ ಚಿತ್ರಭಾನು ಸಂವತ್ಸರೊಡು ಆ ದೇವಪಾಂಡ್ಯನ ಪಡವುಲು ಕರಕತ್ತಲೆ ಸಿಮದಿಂಜಿದಿ ಕುದುರುಗು ಪೋದು ಅಲ್ಪ ಒಂಜಿ ಕಡೆ ಕೇದಾಡ್ ತಾರಾದ್ ಆ ಪಡವುಡು ದಿಂಜಿ ಸಾಮಾನ್ ನೀರ್ ಕಾಲಿ ಆಯಿ ಪೊರ್ತುಡು ಈ ದೇವಪಾಂಡ್ಯನಂಚಿದ ಆ ಪಡವುಲೆನ ಗುರ್ಕಾರೆ ನಾರಾಯಣಪಾಂಡ್ಯೆನ್ನಿನಾಯೆಲಾ ಆ ಪಡವುದ ಜನಕುಲೆಲಾ ದುಃಖಿತೊಂದಿಪ್ಪುನ ಪೊರ್ತುಡು, ಈ ಕುಂಡೋದರೆ ಪ್ರಸನ್ನವಾದ್, ಓ ನಾರಾಯಣಪಾಂಡ್ಯಾ ಕೇನ್ಯಾ, ಭಯಬೂರಡ್! ಉಂದೆರ್ಡ್ ಪಡ್ಡಾಯಿ ಒಂಜಿ ಮಲೆ ಉಂಡು, ಅಲ್ಪ ದುಂಬು ಸಿದ್ಧೆರ್ ಮಲ್ದಿ ಸಿದ್ಧರಸ ಉಂಡು, ಪಚ್ಚಿ ಶಿಲೆ ಉಂಡು. ಆ ಸಿದ್ಧರಸೊನು ಕೊಪ್ಪರಿಗೆಡ್ ದಿಂಜಾಲ. ಆ ಪಚ್ಚಿ ಶಿಲೆನ್ ದಿಂಜಾಲ, ಎನನ್ ಸುಗಿಪುಲ. ಅಪಗ ಆ ಮೂಜಿ ಪಡವುಲಾ ಲಕ್ಕುಂಡು ಪನ್ದ ಪಂಡೆ. ಉಂದೆನ್ ತೆರಿದ್ ಬುಡು ವಾಡೊಲೆನ್ ಬುಡ್ಡ್, ಪಚ್ಚಿ ಶಿಲೆ, ಸಿದ್ಧರಸೊನು ಪತೊಂದು ಕುಂಡೋದರನ್ ಸುಗಿಪುನಗ ಆ ಪೊರ್ತುಡು ರಾಮಸುಳಿಗಾಳಿ ಲಕ್ಕಾದ್ ಆ ಪಡವುಲು ಅಂಗಾರಕಟ್ಟಿನ್ವಿ ಅರಿವೆ ಬಾಕಿಲ್ದ ಉಲಯಾದ್ ಕಲ್ಯಾಣಪುರೊಕು ಎತ್ತಂಡ್. ಅಪಗ ಅಡೆಗ್ ಸಾವುಕಾರೆರ್ ಬತ್ತ್ ತೂನಗ, ಅವೆಟ್ ಪಚ್ಚಿ ಶಿಲೆ ಸಿದ್ಧರಸಲಾ ಉಪ್ಪುನ ತೂದು ಭೂತಾಳಪಾಂಡ್ಯಗ್ ತೆರಿಪಾಯೆರ್, ಅಪಗ ಭೂತಾಳಪಾಂಡ್ಯರಾಯೆರ್ ಬತ್ತ್ ತೂನಗ ತನ್ನ ತಮ್ಮಲೆ ದೇವಪಾಂಡ್ಯನ ಪಡವುಲು ಪನ್ದ ಗೆರೆತ್ ಆ ಪೊರ್ತು ಪಾಂಡ್ಯದೇಶಗ್ ಕಡಪುಡ್ಡ್ ಕೊರ್ದು, ತನ್ನ ತಮ್ಮಲೆ ದೇವಪಾಂಡ್ಯನ್ ಲೆತ್ತ್, ನಿನ್ನ ಪಡವುಡು ಬತ್ತಿನ ಪದ್ದೆಯಿ ಬಂಗಾರ್ ಕೊನೊಲ ಪನ್ದ ಭೂತಾಳಪಾಂಡ್ಯೆ ಪನ್ನಿನ ಪೊರ್ತು ಅದಗ ಕುಂಡೋದರೆ ಉಂಬ್ಯನ ಜೋಕುಲೆನ್ ಎರೆನಾಂಡಲ ಬಲಿ ಕೊರಂದೆ ಪಡವುಲೆನ್ ಬುಡಯೆ ಪನ್ನಗ, ಆಯೆ ತನ್ನ ಬೊಡೆದಿ ಜೋಕುಲೆನ್ ಲೆತ್ತ್, ಪದ್ದೆಯಿ ಬಂಗಾರ್ ತೂಪಾದ್ ಉಂದೆಟ್ ಎರೆನಾಂಡಲ ನರಬಲಿ ಕೊರ್ಕ ಪನ್ದ ಗೆರೆಪುನಗ ಈ ಪತ್ತ್ ಸಾರ ಮಹಾ ಜನಕುಲೆನ ಎದುರು ಈ ಪದ್ದೆಯಿ ಬಂಗಾರ್ ಬೊಡ್ಡಿ ಪನ್ದ ಜತ್ತ್ ಪೋಯೊಲು. ಅಪಗ ಈ ಪತ್ತ್ ಸಾರ ಮಹಾ ಜಗತ್ತುದಕುಲು ಅರಸು ಪ್ರಜೆ ಪರಿವಾರ ಮಾತೆರ್ಲಾ ಈ ಭೂತಾಳಪಾಂಡ್ಯರಾಯೆರ್ನ ಪುಟ್ಟು ಪುರಾಪುಲೆನ್ ತೆರಿದ್, ಈ ಸಿದ್ಧರಸ ಸಿದ್ಧಶಿಲೆಕ್ ಈ ಭೂತಾಳಪಾಂಡ್ಯ ರಾಯೆನೇ ಬಾಧ್ಯಸ್ಥೆ ಪನ್ದ, ಈ ಜನಕುಲೆನ ಪ್ರಕಾರ ಆ ಸಿದ್ಧರಸ, ಸಿದ್ಧಶಿಲೆನ್ ದೆತೊಂದು ಆ ಸಿದ್ಧರಸೊನು ಸೋಮೇಶ್ವರನ ಸನ್ನಿಧಿಡ್ ರಸಮಂದ ಗುವೆಲ್ ಮಲ್ತ್ ದೀದ್, ಆ ಸೋಮೇಶ್ವರಗ್ ಸಿದ್ಧೇಶ್ವರ ಪನ್ನಿ

ಪುದರ್ ದೀದ್, ಕುಂಡೋದರಗ್ ಸಾನ ಮುಂಡಿಗೆ ಕಟ್ಟಾದ್, ಬಿಂಬ ಪ್ರತಿಷ್ಠೆ ಮಲ್ಪಾದ್, ಪಿಂಗಾರ ದೂಪ ದೀಪ ಅಜ ಕೋರಿ ಸಹಸ್ರ ಬಲಿ ಕೊರ್ದು ಸಮಸ್ತ ಪ್ರಜೆ ಪರಿವಾರೊಲು ಸುಗಿಪುನ ಪೊರ್ತು, ಈ ಕುಂಡೋದರೆ ಒರಿ ಮಾಣೆನ ಎಚ್ಚಿಡ್ ಬತ್ತ್ ಅರಸಗ್ಲಾ ಪ್ರಜೆಕುಲೆಗ್ಲಾ ಒಂಜೇ ಕಟ್ಟ್ ಡ್ ನಡಪೊಡು ಪನ್ದ್, ಮಾತೆರ್ಲಾ ಒಂಜೇ ಬುದ್ಧಿಡ್ ನಡತೊನುವ ಪನ್ದ್ ಕಟ್ಟ್ ಕೈ ಪತ್ತ್ ಬೊಕ್ಕ, ಅರಸೆರ್ಲಾ ಪ್ರಜೆಕುಲುಲಾ ಅವರ್ತ ಕಟ್ಟ್ ಡ್ ನಡಪೊಡು ಪನ್ದ್ ಪದಿನಾಲ್ ಕಟ್ಟ್, ಪದಿನಾಜಿ ಕಟ್ಟಿಲೆ ಗೋಡಾದ್ ಜಗತ್ತ್ ದ ನರಸಿಂಗ ದೇವೆರೆ ನಡು ಮಂಟಪೊಡು ಬರೆಪಾದ್ ಜಗತ್ತ್ ದ ಅನಂತೇಶ್ವರ ದೇವೆರ್ನ ನಡು ಮಂಟಪೊಡು ತಾಪನೆ ಮಲ್ತ್, ಈ ಕಟ್ಟ್ ಕಟ್ಟಿಲೆ ತತ್ತ ನಡತಿನಾಯನ ಸಂತಾನ ನಿಸ್ಸಂತಾನವಾದ್ ಪೋವಡ್ ಪನ್ದ್ ಕೈ ಪತ್ತ್ ದ್ ಬಲಿಸಾರ ಬೆರ್ಮೆರ್, ಈ ಮೈಸಂದಾಯೆ ಈ ಕಟ್ಟ್ ಗ್ ಅಧಿದೇವತೆ ಪನ್ದ್ ಆ ನರಶಿಂಗ ಅನಂತೇಶ್ವರೆ ಕುಲದೇವತೆಲು ಪನ್ದ್, ದಿಕ್ಕ ದಿಕ್ಕ ಡ್ ಈ ಪ್ರಜೆ ಪರಿವಾರೊಲೆಗ್ ಬೆರ್ಮೆರ್, ಅನಂತೇಶ್ವರ ದೇವಲ್ಯದ ಕ್ಷೇತ್ರಪಾಲನ್, ಈ ಜಗತ್ತ್ ದ ನರಸಿಂಹ ದೇವೆರ್ನ ಬಲಮರ್ಗಿಲ್ಲ ಲೆಕ್ಕಿಸಿರಿನ್, ಈ ಕುಂಡೋದರ ಮೈಸಂದಾಯನ್, ಈ ಂಲ ಬರಿ ಅವರ್ದ ಸಂತಾನೊಗು ಸ್ಥಾನ ದೇವತೆಲು ಪನ್ದ್, ಈ ಭೂತಾಳಪಾಂಡ್ಯ ರಾಯೆರ್ ೧೨ ವರ್ಸ ರಾಜ್ಯ ಆಳ್ವಿಕೆ ಮಲ್ತೊಂದಿತ್ತಿನ ಪೊರ್ತು ಭೂತಾಳಪಾಂಡ್ಯರಾಯೆರೆಗ್ ಮದಿಮೆ ಮಲ್ಪರೆ ಘಟ್ಟದ ಮಿತ್ತ್ ಕಡಪುಡುದು ಅಲ್ಪ ಜೈನೆರೆ ಜಾತಿ ಕೆಸವಣ್ಣ, ಬಸವಣ್ಣ ಪನ್ನಿನಕಲೆನ್ ಲೆಪ್ಪಾದ್, ಅಕಲೆನ ಪೊಲಬುಡು ಪದಿರಾಡ್ ಕನ್ನಿಲೆನ್ ಲೆಪ್ಪಾದ್ ಮದಿಮೆ ಮಲ್ತ್, ಆ ಜಯಂತಿಕಾ ಪನ್ನಿ ನಗರೊಗು ಪದಿರಾಡ್ ಕನ್ನಿಲೆನ್ ಮದಿಮೆ ಮಲ್ತಿನ ನೆವನೊಗು ಬಾರಕನ್ಯಾಪುರ ಪನ್ನಿ ಪುದರ್ ದೀದ್, ಆ ಪದಿರಾಡ್ ಕನ್ನಿಲೆನ್ ಪಟ್ಟದ ರಾಣಿಲು ಮಲ್ತ್ ಪದಿರಾಡ್ ಬಸ್ತಿ ಕಟ್ಟಾದ್ ಪದಿರಾಡ್ ಶಿವಾಲಯ, ಪದಿರಾಡ್ ವಿಷ್ಣು ಆಲಯ, ಪದಿರಾಡ್ ದುರ್ಗಾಲಯ, ಪದಿರಾಡ್ ಗಣಪತಿ, ಪದಿರಾಡ್ ನಾಗ, ಬೆರ್ಮೆ, ಕ್ಷೇತ್ರಪಾಲ, ಲೆಕ್ಕಿಸಿರಿ, ಮೈಸಂದಾಯೆ ಸಾನೊಲೆನ್ ಕಟ್ಟಾದ್, ಅಪಗ ಚಾತುರ್ಲಕ್ಷ ಗುಡಿ ಇಲ್ಲ್ ಕಟ್ಟಾದ್ ಅಲ್ಪ ನಗರೇಶ್ವರನ್ ಪ್ರತಿಷ್ಠೆ ಮಲ್ತ್, ತಾನ್ ತಾನುನ್ವಿ ಬಿದರ್ಲಿ ದಾದ ಪನ್ಂಡ- ಶ್ರೀ ಮದ್ರಾಜಾಧಿರಾಜ, ರಾಜೇಂದ್ರಸಿಂಹಾಸನಾಧೀಶ್ವರ, ತುಳು ಮಲೆಯಾಳ ಹೈಗ ಕರ್ನಾಟ ಚತುರ್ದೇಶಾಧೀಶ್ವರ, ಶಾಲಿವಾಹನ ಶಕಾದಿಪುರುಷ, ಚೌಷಷ್ಟಿ ಪ್ರಧಾನ ಯೋಗ ಯೋಗೇಶ್ವರ, ವೀರಪಾಂಡ್ಯ ಕುಮಾರ, ಸತ್ಯವತಿಬಾಲ, ಜನಕುಲನಿಜಿಕ್ಷಾತ್ರಭೂತಳಾಧೀಶ, ವೀರಾಧಿವೀರ, ವೀರಮಹಾಪ್ರತಾಪಧೀರ, ವಸಂತವೀರ, ಬಾರಕನ್ಯಾಪುರವರಾಧೀಶ್ವರ.

ಅಪಗ ಈ ಜಗತ್ತ್ ಡ್ ಷೋಡಶ ಮರ್ಯಾದಿಲೆನ್ ದೆತೊಂದು, ಈ ಜಗತ್ತ್ ದ ಮಹಾ ಜನಕುಲು ಆರಾಧನೆ ಮಲ್ತೊಂದು, ಗುರು ದೇವೆರೆ ಭಕ್ತಿಯಾದ್, ದುಷ್ಟನಿಗ್ರಹ ಶಿಷ್ಟಪರಿಪಾಲಕತ್ವ ಇತ್ತಿನಾಯೆಯಾದ್, ಅವೌವು ಜಾತಿ ಧರ್ಮೊಲೆನ್ ನಡಪಾವೊಂದು ಬರ್ಪಿ ಪೊರ್ತುಡು, ತನ್ನ ಪಟ್ಟದ ಪದಿರಾಡ್ ರಾಣಿಲೆಗ್ ಪೊಣ್ಣು ಆನ್ ಜೋಕುಲು ಸಮವಾದ್ ಪುಟ್ಟುನ ಪೊರ್ತುಡು, ತನ್ನ ಪದಿರಾಡ್ ಜೋಕುಲೆಗ್ ತನ್ನ ರಾಜ್ಯೊನು ಅಜೆತ್ ಪಟ್ಟ್ ದ್ ಅರಸ್ತನ ಕೊರಿನ ವಿವರ - ಚೌಟ ಬಂಗ ಪನ್ನಿ ರಡ್ಡ್

ಸಂಸ್ಥಾನ, ಮೂಲೆರ್ ತುಳುವೆರೆನ್ನಿ ರಡ್ಡ್ ಅರಸ್ತನ, ಅಜಿಲ ಸಾಮಂತೆರೆನ್ನಿ ರಡ್ಡ್ ದೊರೆತನ, ಭೈರಸ ಬಾರಸ ಪನ್ನಿ ರಡ್ಡ್ ದಿವಾನ, ಕುಂದ ಬುನ್ನಾಳೆರೆನ್ನಿ ರಡ್ಡ್ ವಡ್ಡು, ನೇರೆಂಕಿ ಕಡರೀಶರೆನ್ನಿ ರಡ್ಡ್ ಚಾವಡಿ. ಈ ಪದಿರಾಡ್ ಅರಸುಲೆಟ್ ಚೌಟೆರ್ ಬಂಗೆರ್ ಮುಖ್ಯ. ಈ ತುಳುವೆರೆ ಪಕ್ಷ ರಡ್ಡೆತ್ತ ಪಕ್ಷನಾಥೆರ ಪ್ರತಿಪ್ಪಭುಕುಲಾದ್ ಈ ಕೆಸವಣ್ಣ ಬಸವಣ್ಣರೆರ್ದ್ ಉಂಡಾಯಿ ಮುಪ್ಪತ್ತರಡ್ಡ್ ಪೇಂಟೆ ಪಟ್ಟಣ್ಣಿ ನಗರೊಕು, ಈ ಜೋಕುಲೆ ಸಂತಾನವಾಯಿನ ಸಪ್ತಗೋತ್ರಗ್ ಈ ಅವೆದೆ ಸಂತಾನದ ೧೮ ಬರಿಗ್ಲಾ ಈ ಉಭಯ ಪಕ್ಷನಾಥೆರ್ ಪಕ್ಷಪ್ರಭುಕುಲು. ಈ ತುಳುವೆರೆ ಅರಸುಲಾಯಿನ ಉಭಯ ಪಕ್ಷನಾಥೆರ್ ಬಲ್ಲಾಲೆರಾಯಿನ ಮೊಕಲೆಗ್ ಈ ಜಾತಿಲೆನ ತಿದ್ದುಪಡಿಲೆನ್ ಮಲ್ತೊಂದು ಬರೊಂಡುಂದು ಭೂತಾಳಪಾಂಡ್ಯ ನೇಮಿಸಾಯೆ.

ಆ ಪ್ರಕಾರೊಡು ೭೫ ವರ್ಸ ಸಾಮ್ರಾಜ್ಯೊನು ಆಳ್ತ, ತನ್ನ ಅವೆದೆ ವಿದ್ಯುದ್ಯಮ್ಮ ಪಾಂಡ್ಯರಾಯಗ್ ರಾಜ್ಯಭಾರ ಕೊರ್ದು, ಈ ವಿದ್ಯುದ್ಯಮ್ಮ ಪಾಂಡ್ಯರಾಯೆ ೮೧ ವರ್ಸ ರಾಜ್ಯಭಾರ ಮಲ್ಪುನ ನಡುಟು ಆಯಗ್ ೧೨ ಜನ ಪಟ್ಟದ ರಾಣಿಲೆಡ ಪುಟ್ಟಿ ಜೋಕುಲೆಗ್ ಅಜತ್ ಕೊರಿನ ಅರಸೊತ್ತಿಗೆ ಒವ್ ಪಂಡ - ಮರದಡೆ ಮಾರಂಬಡೆ ಪನ್ನಿ ಅಡೆ, ಕಟಪಾಡಿ ಕೂಳೂರು ಪನ್ನಿ ದೊರೆಬಲ್ಲಾಳೆರ್, ಪಡುಬಿದಿರೆ ಇರುವತ್ತೂರು ಕಿನ್ನರಿಬಲ್ಲಾಳೆರ್, ಮುದುರು ಮುದ್ದಾಲ ಪನ್ನಿ ಕಿನ್ನರಿ ಅರಸುಲು, ಯಳನಾಡ್ ಐನಾಡ್ ಪೆರ್ಗಡೆಲು, ಮುದ್ರಾಡಿ ಕಾಂತಾರ ಕಿನ್ನರಿಪೆರ್ಗಡೆ ಉಂದು ೧೨ ಜನ ತುಂಡು ಅರಸೆರ್. ಪಟ್ಟ ಆದ್ ೬ ನೇ ವರ್ಸೊಡು ನಡತಿನ ಕತೆತ ವಿವರ- ಆ ವಿದ್ಯುದ್ಯಮ್ಮಪಾಂಡ್ಯರಾಯೆರೆಗ್ ಈ ಕುಂಡೋದರನ ಅಂತರವಾಣಿಯಾದ್ ಕಲಿಯುಗ ಬತ್ತಿನೆರ್ದಾವರ ಆ ಪಚ್ಚೆತ್ತಿಲೆ ರತ್ನ ಭಂಡಾರೊಲೆನ್ ತಾಪಿಸಾದ್, ರಸಮಂದಗುವೆಲ್ ಗ್ ಹಾಸಿ ಕಲ್ಲ ಮುಚ್ಚಿದ್, ನಾಗನ ಪ್ರತಿಷ್ಠೆ ಮಲ್ತ್, ಈ ಚೌಟ ಬಂಗ ಅರಸೆರೆರ್ದ್ ಕಪ್ಪ ದೆತೊಂದು, ಆಯೆ ೮೧ ವರ್ಸ ರಾಜ್ಯ ಆಳ್ತ ತೀರಿನೆರ್ದ್ ಬೊಕ್ಕ, ಆಯನ ಸಂತಾನದ ಏಲ್ ತರೆ ಆಳ್ತಿನ ಅರಸೆರ್ - ಭೂತಾಳಪಾಂಡ್ಯ ೭೫, ವಿದ್ಯುದ್ಯಮ್ಮ ಪಾಂಡ್ಯ ೮೧, ವೀರಪಾಂಡ್ಯರಾಯ ೩೨, ಚಿತ್ರವೀರ್ಯಪಾಂಡ್ಯರಾಯ ೧೬, ದೇವವೀರಪಾಂಡ್ಯರಾಯ ೯, ಬಲವೀರ್ಯಪಾಂಡ್ಯರಾಯ ೧೯, ಜಯವೀರ್ಯಪಾಂಡ್ಯರಾಯ ೨೭ ಇಂಚ ಏಳ್ ಅರಸೆರ್ ೨೫೯ ವರ್ಸ ರಾಜ್ಯ ಆಳಿಯೆರ್.

೧೪ ಕಟ್ಟ

ಬೆರನೆರೆನ್ ಬುಡ್ಡ್ ತ್ರಿವರ್ಣ ಜಾತಿಲೆಗ್ ಮಲ್ತಿನ ೧೪ ಕಟ್ಟ ಎಂಚಿನ ಪನ್ನ - ಜಾತಿ, ನೀತಿ, ಮಾನ, ಮರ್ಯಾದಿ, ಪುಟ್ಟು, ಕಟ್ಟ, ದುಂಬು, ಪಿರ, ಎಚ್ಚಿ, ಕಮ್ಮಿ, ಬರಿ, ಬಣ್ಣ, ಅಳಿ, ಒರಿ ಉಂದು ೧೪ ಕಟ್ಟುಲು. ಉಂದೆತ ಪೊಲಬು —

ಜಾತಿ ನೀತಿ ಪಂಡ - ಅವೌವ್ ಜಾತಿ ಸ್ವಧರ್ಮೊಲು. ಮಾನ ಮರ್ಯಾದೆ ಪನ್ನ ಸ್ವ ಆಚಾರದ ಬಿದಾರವಲಿಲು. ಪುಟ್ಟು ಕಟ್ಟ ಪನ್ನ ಮಾತಾ ಜಾತಿಲೆನ ಜೋಕುಲೆ ಸಂತಾನ ದೆತ್ತ್ ಅವರ್ತ ಸಂತಾನ ಮಲ್ತಿನವು. ದುಂಬು ಪಿರ ಪನ್ನ - ನಾಲ್ ಎನ್ನ ಪದಿನಾಜಿ ಪಟ್ಟ ಪಟ್ಟಾವಳಿ ಪನ್ನಿನ ಮಿತ್ತ್ ತಿರ್ತುಲು. ಎಚ್ಚಿ ಕಮ್ಮಿ ಪನ್ನ ಅವೌವ್ ಜಾತಿಗ್ ಬೋಡಾಯಿ ಮರ್ಯಾದಿಲು. ಬರಿ ಬಣ್ಣ ಪನ್ನ ಸ್ಥಾನಮಾನ ದಾಂತಿನಕುಲು. ಅಳಿ ಒರಿ ಪನ್ನ ಬಾಳ್ ಬದ್ಯ್ ಸಾವು ಸಿಕ್ಕುನಂಚಿನವು.

ಜಾತಿ ನೀತಿ ಪನ್ನಿನೆತ್ತ ವಿವರ- ಜಾತಿ ತುಳುವೆರ್, ಮಲವೆರ್, ನಾಯಮ್ಮಾರೆರ್, ಮಾಸಾದಿಕ ಜೈನೆರ್, ದರಿಶೆಟ್ಟಿ, ಪರಿಯೆರ್, ಕುಂಬಾರೆರ್, ದೇವಾಡಿಗೇರ್, ಸಾಲಿಯೆರ್, ಮಲೆಕುಡಿಯೆರ್, ಪಾಂಚಾಲೆರ್, ಕ್ಷೌರಿಕೆರ್, ಮಡ್ಯೆಲೆರ್, ಹಳೆಪೈಕೆ, ಮುಂಡಾಲ, ಕರಿಂಜಾರ, ಹೊಲೆಯೆರ್, ಅಂಡೆ ಕೊರಗೇರ್ ಇಂಚಿನ ಜಾತಿಲೆಗ್. ನೀತಿ ಪನ್ನ ಭೂತಾಳಪಾಂಡ್ಯ ಅವೌವ್ ಜಾತಿ ಜಾತಿಲೆಗ್ ಮಿತ್ತ್ ತಿರ್ತು ಅಕಲಕಲೆನ ನೀತಿಲು ಇತ್ತಿಲೆಕ್ಕ ಗೋಡಿದ್ ನಡತೊನೊಡು ಪನ್ನ ನೀತಿಲೆನ್ ಮಲ್ತೆರೋ ಭೂತಾಳಪಾಂಡ್ಯ.

ಮಾನ ಮರ್ಯಾದಿ ಪನ್ನ - ಇಲ್ಲ ಜಾಗೆ, ಅರಸು ಬಲ್ಲಾಲೆ, ಪೆರ್ಗಡೆಲೆನ ಪುರಪ್ಪು ನಾಮ ಕೀರ್ತಿಲು, ಇಲ್ಲ ಜಾಗೆ ಗ್ರಾಮ ಸೀಮೆಲು ಉಪ್ಪುನ ಪೇಂಟೆ ಪಟ್ಟೊಲೆಡ್ ನಾಲ್ ಎನ್ನ ಪದಿನಾಜಿ ಬಾಳ್ ಬೂತದ ಮಿತ್ತ ಉಪ್ಪುನ ಭೂಮಿಲು ಮೂಲ ಪನ್ನ ತೆರಿಪಾದ್, ಸುರುಕು ನಾಲ್ ಎನ್ನ ಪದಿನಾಜಿ ಇಂಚಿನ ಅರಸು ಪಟ್ಟ ಪಟ್ಟ ಪಗದಿ ಆತಿನ ಅಳಿ ಒರಿ ಪರ್ಯಂತರ ತಾರತಮ್ಯಾನುಸಾರ ನಡತೊಂದು ಬರ್ಪಿನಿ ಅತ್ತಂದೆ ಮರ್ಯಾದೆಗ್ ಕುಂದೆಲ್ ಬರಂದಿಲೆಕ್ಕ ನಡತೊಂದು ಬರೊಡು ಪನ್ನ ಕಟ್ಟ ಗೋಡಾಯೆನೋ ಭೂತಾಳಪಾಂಡ್ಯ.

ಪುಟ್ಟು ಕಟ್ಟ ಪನ್ನ ಜೋಕುಲೆ ಕಟ್ಟ ದೆತ್ತ ಅವರ್ತ ಕಟ್ಟ ಆವೊಡು ಪನ್ನ ಜಗತ್ತ್ ದ ಅನಂತೇಶ್ವರನ ನಡು ಮಂಟಪೊಡು ಕಟ್ಟ ಬರೆಪಾದ್ ಉಂದೆನ್ ತತ್ತ ನಡತಿನಕಲೆನ ಸಂತಾನ ಮುತ್ತು ಪೋವಡ್ ಪನ್ನ ಕಟ್ಟ ಬರೆಪಾದ್, ಉಂಡು ಮಲ್ತ್ ಪುಟ್ಟು ದೆತ್ತ ಅವರ್ತ ಸಂತಾನದ ಕಟ್ಟ ಮಲ್ತೆನೋ ಭೂತಾಳಪಾಂಡ್ಯ. ಪುಟ್ಟು ಪನ್ನ ಸೂತಕ ಪಾತಕ ಪಾಪ ಪುಣ್ಯ ದಾನ ಧರ್ಮ ಕೀರ್ತಿ ಅಪಕೀರ್ತಿ ಬೊಡೆದಿ ಜೋಕುಲೆಗ್ ಅತ್ತಂದೆ ಸಂತಾನೊಗು ಬರ್ಪಿನಿ ಅತ್ತಂದೆ, ಸೂತಕೊಲು ಇಜ್ಜಿ, ಬದ್ಯ್ ಗ್ ನೆವನ ಪನ್ನ ಕಟ್ಟ ಬರೆಪಾಯೆನಾ ಭೂತಾಳಪಾಂಡ್ಯ.

ಕಟ್ಟಳೆ ಪನ್ನ- ಬ್ರಾಹ್ಮಣದರ್ಡ್ ಶುಭಧಾರೆಲು ಇಜ್ಜಿ, ಸೈತ್ಂಡ ಮಾಲಕಾರ್ಯ ಇಜ್ಜಿ, ಪೆದ್ದಂಡ ಸೈತ್ಂಡ, ದರ್ಬೆ ಪತ್ತ್ ದ್ ಪಂಚಗವ್ಯ ಹೋಮೋಗು ನೆವನ ಇಜ್ಜಿ. ಪೆದ್ದಂಡ ಸೈತ್ಂಡ, ದೇವಲೊಡು ಉಪ್ಪುನ ನಿರ್ಮಲ್ಯ, ಪೆದ್ದಿನಕಲೆನ ಸೈತಿನಕಲೆನ ಪುದರ್ಲ್ದಾ ದೇವೆರೆ ಪೂಜೆ ಅಭಿಷೇಕ ಶಾಂತಿ ಸಮಾರಾಧನೆ ಇಂಚಿನೆನ್ ಮಲ್ಪಾವೊಂದಿಪ್ಪೊಡು ಪನ್ನಿ ಶಾಸ್ತ್ರಲೆನ್ ಉಂತಾಯೆನಾ ಭೂತಾಳಪಾಂಡ್ಯೆ.

ಎಚ್ಚಿ ಕಟ್ಟಳೆ ಪನ್ನ- ಪೋಣ್ಣ ಮದಿಮಾಲಾಂಡ, ನೇರಿದ ಮಂಟಪ, ನಾಲ್ ಕುಂದೋಗು ಪೊದಿಕೆ, ಮಿತ್ತ್ ಕಟ್ಟ್, ನಡೆಮುಡಿ, ನಡೆಚಪ್ಪರೊ, ನಡೆವಾದ್ಯ ನಲಿಕೆ ಪಾಟ್ ಲೆನ್ ಶುಭಮರ್ಯಾದೆ ಉಂಡು ಪನ್ನ; ಸೈತ್ಂಡ ನೆಲ ಉಪ್ಪರಿಗೆ, ವಾದ್ಯ ಬೇರಿ ಡೋಲು ಗಂಟೆಲೆರ್ಡ್ ಅರಿ ಬಿಕೊಡು, ಮುರಿಯೋ ಮುರಿಯೋ ಪನ್ನಿ ದುನ್ನಿ ಸೊರೊರ್ದು ಅರಿ ಬಿಕುನು ಪನ್ನಿ ಕಟ್ಟು ಚರ್ಚಿತೆನಾ ಭೂತಾಳಪಾಂಡ್ಯೆ.

ಬರಿ ೧೮, ಬಣ್ಣ ನೀರ್ ಬರಿ ನಾಲ್. ಬರಿಕ್ ಸಮರ್ಥೆ ಆಯಿನ ಅರಸು ರಾಜ್ಯೊರ್ದು ಸೀಮೆಡ್ ಬಲಿಸಾರ ಬೆರ್ಮನ್ ಉಂತಾಯಿನಾಯಿನ ಬರಿ ಸುದ್ದ. ಸಮರ್ಥ ಅತ್ತಂದಿ ಬರಿ, ಬೆರ್ಮ ಉಪ್ಪಂದಿ ಬರಿ, ಅರಸು ಸೀಮೆಡ್ ಇಜ್ಜಿಡ, ಆ ಬರಿ ಬಣ್ಣ ಕಮ್ಮಿ ಪನ್ನಿ ಕಟ್ಟ್ ಮಲ್ತೆನಾ ಭೂತಾಳಪಾಂಡ್ಯೆ.

ಸಾವು ಬಾಳ್ ಎಂಚಿನ ಪನ್ನ - ಮಲ್ಲ ಎಲ್ಯ ಅಪ್ಪೆ ಜೋಕುಲು, ಪೆರಿಯ ಪೋಣ್ಣ ಪೆರಿಯ ಆಣ್ ಆಳಿ ಊಳಿಗ್ ಉಂತುನು ಅತ್ತಂದೆ, ಮಲ್ಲ ಎಲ್ಯ ಸಂತಾನೊಲೆಗ್ ಪಾಲು ಪಗದಿ ಇಜ್ಜಿ. ಅವೆತುಲಾಯಿ ಪಲಿ ತಂಗಡಿಗ್ ವಿರುದ್ದವಾದ್ ನಡತೊಂಡ, ಪೆರಿಯಾಲ್ ಕಿರಿಯಾಲೆಗ್ ಇಲ್ಲ್ ಲಚ್ಚಿಲ್ ಕೊರ್ದು, ಉರಿಶಿರಿಗ್ ಭಾದ್ಯಸ್ಥಳಾದ್ ನಡತೊಂದು ಬರೊಡು ಪನ್ನಿ ಕಟ್ಟ್ ರಚೀತ್ ಭೂತಾಳಪಾಂಡ್ಯೆ ಪಟ್ಟ ಪಟ್ಟಿ ಇತ್ತಿ ಜಾಗೆಗ್ ಅಲ್ತಕುಲೇ ಅತ್ತಂದೆ ಕಮ್ಮಿ ಸಂತಾನೊಗು ಆವರೆಬಲ್ಲಿ. ಒರಿ ಅಳಿನೆರ್ಡ್ ಬೊಕ್ಕ ಕಾರಣ ಉಂಡು ಪನ್ನ ಕಟ್ಟ್ ಬರೆಪಾಯೆನೊ ಭೂತಾಳಪಾಂಡ್ಯೆ.

ಬದ್ಕ ಪನ್ನ - ಮದ್ದೆ ಆತಿನ ಪೋಣ್ಣಗ್ ತೆರವುದ ಪನವು ಅತ್ತಂದೆ ಒಂಚಿ ಅಕ್ಕಡಕಡ್ಡಿಲಾ ಕಂಡನೆ ಒಪ್ಪಿದ್ ಕೊರುಂಡಲಾ ಸಂತಾನದಕುಲು ದೆತೊನಯೆರ್. ಜೋಕುಲೆಗಾಂಡ ಭೂಮಿ, ಇಲ್ಲ್, ಬಂಗಾರ್, ಬೊಲ್ಲಿ, ಪೆತ್ತ , ಕಂಜಿ, ಎರು, ಬಿತ್ತ್ ಇಂಚಿನೆನ್ ತಾನ್ ಬೆನ್ನ, ಪೆರಿಯಾಕ್ಲೆನ ಮೂಲದ ಅತ್ತಂದೆ ಬೇತೆ ಕೊರೊಲಿ, ಅಮ್ಮೆರೆ ಬದ್ಕ ಡ್ ಜೋಕುಲೆಗ್ ಬಾಳ್ ಉಂಡು ಪನ್ನ ಕಟ್ಟ್ ಬರೆಪಾಯೆನೊ ಭೂತಾಳಪಾಂಡ್ಯೆ.

ಜಾತಿ ಜಾತಿಲೆಗ್ ನೀತಿ ಉಂತಾದ್, ಅಳಿ ಒರಿ ಸಂತಾನ ಮುತ್ತುಂಡ, ಅವ್ವೇ ಸಂತಾನೊಡು ಬರಿ ಕೂಡುನ ಪೋಣ್ಣ ಕನತ್ ತಾಂಕ್ ದ್, ಅವ್ ಪೋಣ್ಣ ದತ್ತೊಗು ಪತೊನಿನ ಪನ್ನ, ಬೊಕ್ಕ ಆನ್ ಜೋಕುಲೆ ದತ್ತ ಪತೊನರೆ ಇಜ್ಜಿ ಪನ್ನ, ಬೊಕ್ಕ ಅರಿ ಒರಿ ಮರ್ಯಾದೆದ ಜಾಗೆಲೆಗ್ ಸಂತಾನ ಇಜ್ಜಿ ಪನ್ನ ಮಾರರೆ ಬಲ್ಲಿ, ಬೊಡೆದಿ ಜೋಕುಲೆಗ್ ಕೊರಿಯರೆ ಬಲ್ಲಿ. ಸ್ವೀಕಾರದಾಂತೆ ಆಳ್ಂಡ ಅವೆಕ್ ನಾಲ್ ಎನ್ನ ಪದಿನಾಜಿ

ಇತ್ತ, ಬೊಕ್ಕ ಅವ್ ಬರಿತ ಪೊಣ್ಣು ಆನನ್ ಕನತ್ ಉಂತಾಂಡ, ಅಕುಲು ಭಾಧ್ಯಸ್ಥರಾಪೆರೋ ಅತ್ತಂದೆ ಬೊಡೆದಿ ಜೋಕುಲೆಗ್ ಸಲ್ಲುಜಿ ಪನ್ದ ಕಟ್ಟ್ ಬರೆಪಾಯೆನೊ ಭೂತಾಳಪಾಂಡ್.

ಪೇಂಟೆ ಪಟ್ಟದ ಬೇರದಕುಲಾವಡ್, ಚಾಕಿರಿದಕುಲಾವಡ್ ಇಂಚಿನ ಮಾತೆರೆಗ್ ಅವತ್ತ ಸಂತಾನ ಪನ್ನಿ ಸಂಬಂಧ ಪನ್ದ ಪಡವು ಮೂಜೆಟ್ ಬತ್ತಿ ಸಿದ್ಧರಸ ಪಚ್ಚೆರತ್ತಲೆಗ್ ಈ ದ್ವಾತ್ರಿಂಶದ್ ಗ್ರಾಮದ ಮಹಾಜನಕುಲು ಶಾಸ್ತ್ರ ಕಟ್ಟಿಗ್ ವಿರೋಧವಾಯಿನ ಕಟ್ಟ್ ಪನ್ದ ಬತ್ತಿ ರಸರತ್ನೋಲೆಗ್ ಬಜ್ಜ ಕುಂದೆಲ್ ದಾಂತಿ ಮೂಲ ದಾದ ಪನ್ನ- ಪಡವುಲೆಗ್ ಆ ಕುಂಡೋದರನ್ ಎನ್ನ ದ್ ಬಲಿ ಪೂಜೆಲೆನ್ ಕರಿತ್, ಅಪಗ ಈ ಬ್ರಹ್ಮನಾಮೆಲು ವಿರೋಧ ಪನ್ನಿನಲ್ಪ, ರಡ್ಡ್ ಪಕ್ಷನಾಥೆರ್ ಕೂಡ್ಡ್, ಮಹಾಜನಕುಲೆನ ವಿರೋಧ ದಾಂತಿಲೆಕ್ಕ, ಈ ಮೂಡಾಸಿ ಪಕ್ಷನಾಥೆರೆಗ್ ನಂದರಾಜನ ಸೀಮೆ ಅಜತ್ ಬಲಕ್ಕೆ ಬಲ್ಲಾಳೆರೆಂದ್, ಈ ಪಡ್ಡಾಯಿ ಪಕ್ಷನಾಥೆರೆಗ್ ನಿಡಂಬ ಪನ್ನಿನಾಯನ ಅರಸ್ತನ ಅಜತ್ ದತ್ತಕ್ಕೆ ಬಲ್ಲಾಳೆ ಪನ್ನಾದ್, ಈ ರಡ್ಡ್ ಪಕ್ಷನಾಥೆರೆಗ್ ಬಲ್ಲಾಳೆರ್ ಪನ್ನಿ ಪಟ್ಟಾಭಿಷೇಕ ಮಲ್ಪಾದ್, ಈ ಬಲ್ಲಾಳೆರ್ ಬರಿ ೧೮ಗು ಸೇರಿನಕುಲು ಪನ್ದ, ಈ ಪಟ್ಟದ ಬಲ್ಲಾಳೆರ್ ಸೈತ್ಂಡ, ಮೊಕಲೆ ಸಂತಾನದ ಪುಟ್ಟಿ ಜೋಕುಲೆ ಸಂತಾನ ಇತ್ತಂಡಲಾ, ಅವತ್ತ ಸಂತಾನದ ಕಟ್ಟ್ ಕಟ್ಟಿಲೆನೇ ನಡಪೊಡು. ಈ ಪಟ್ಟದ ಬಲ್ಲಾಳೆ ತೀರ್ಂಡ ಪ್ರತಿನಿಧಿ ನಾಡ್ಡ್ ಪುನ ಮಲ್ತ್, ಈ ಪದಿನೆಡ್ಡ ಬರಿತಕುಲು ಕೂಡ್ಡ್ ಈ ಪುನ ಪೊತ್ತಾದ್, ಪೂಮಾಡ ಕೈಮಾಡ, ನೆಲ ಉಪ್ಪರಿಗೆ, ಚತುರಂಗ, ತೋರಣ, ಸರ್ವವಾದ್ಯ, ಡೋಲುಲೆಡ್ ಈ ಪದಿನೆಡ್ಡ ಬರಿತಕುಲು ಅರಿ ಬಿಕರ್ಂದೆ ಇತ್ತಂಡ, ಈ ಪದಿನೆಡ್ಡ ಬರಿತಕಲೆಗ್ ಸೂತಕ ಪಾತಕ ಉಂಡು. ಅವ್ ಗುರು ಆಯಿನ ಕಾರಣ ಈ ಬರಿತಕುಲು ಶಿಷ್ಯರಾಯಿನ ಕಾರಣ ಈ ಸೂತಕ ಪಾತಕ ಕರಿತೊಂದು ಬರೊಡುಂದು ಕಟ್ಟ್ ಮಲ್ತೆನಾ ಭೂತಾಳಪಾಂಡ್.

ಪದಿನಾಜಿ ಕಟ್ಟಳೆ

೧. ಈ ಅವತತ್ತ ಸಂತಾನೊಗು ಒಂಜಿ ಸಂತಾನೊಗು ಒಂಜೇ ಪೊಣ್ಣಾದ್, ಅವತ್ತ ಕಂಡನೆ ತೀರ್ಂಡ, ದುಂಬು ಸಂತಾನ ಅಭಿವೃದ್ಧಿ ಎಂಚ ಪನ್ದ ಕೇನ್ನಗ, ಕುಡೊರಿಯಗ್ ಪೊಣ್ಣನ್ ಕೊರಿಯರೆ ಅಪ್ಪೆ ಅಮ್ಮೆ ಯೋಗ್ಯೆರತ್ತ, ತಮ್ಮಲೆ ಕೊರೊಲಿ. ಅಪ್ಪೆ ಅಮ್ಮೆಲ್ಲು ತನ್ನಲೆ ಪೊಣ್ಣಗ್ ದಾರೆ ಮೈಪುನಗ ದಾರೆ ಗಿಂಡೆ ಮುಟ್ಟುವೆರೇ ಅತ್ತಂದೆ ಧಾರಾಪೂರ್ವಕವಾದ್ ಕೊರ್ಪಿನ ಕಟ್ಟಳೆ ಇಜ್ಜಿ ಪಂಡೆನಾ ಭೂತಾಳಪಾಂಡ್ಲೆ.

೨. ಅವತುಲಾಯಿ ಒಂಜಿ ಪೊಣ್ಣಗ್ ಕಂಡನೆ ತೀರ್ಂಡ, ಆ ಪೊಣ್ಣು ಬುಡುವಾಲ್ತಿ ಪನ್ನಿ ಪುದರ್. ಅವೆಕ್ ಉಡಿ ಕೊರ್ಪಿನೆರ್ದ್ ದುಂಬು ಬಂಜಿನ ಆಂಡ ಸಮ ಜಾತಿದಾಂಡ ಆಯನ ಕೈತ ಅಪರಾಧ ದೆತೊಂದು ಆ ಪೊಣ್ಣನ್ ಆಯಗ್ ಬುಡುದಾರೆ ಮೈತ್ ಕೊರೊಲಿ ಪಂಡೆನಾ ಭೂತಾಳಪಾಂಡ್ಲೆ. ಮಿತ್ತ ಜಾತಿದಾಯೆ ಆಂಡ ದೀದ್ ಕೊರೊಲಿ. ತಿರ್ತ್ ಜಾತಿದಾಯೆ ಆಂಡ ಆನ ಕೈತ ಅಪರಾಧೊನು ದೆತೊಂದು ಆ ಪೊಣ್ಣಲೆನ್ ಬಲ್ಲಾಳೆ ಗಲಸೊಲಿ ಪಂಡೆನಾ ಭೂತಾಳಪಾಂಡ್ಲೆ.

೩. ಬೊಕ್ಕ ಮದ್ದೆ ಆತಿನ ಪೊಣ್ಣನ್ ಬುಡ್ಡ್ ಕಂಡನೆ ದೇಶಾಂತರ ಪೋಂಡ, ವರ್ಸ ಖನ್ ಕರಿದ್ ಬೊಕ್ಕ ಕುಡೊರಿಯಗ್ ಗೋಡ್ಯಾದ್, ಒಪ್ಪಿದ್ ಕೊರೊಲಿ ಪಂಡೆನಾ ಭೂತಾಳಪಾಂಡ್ಲೆ. ಸಮ ಜಾತಿ, ಮಿತ್ತ ಜಾತಿದ್ ಅಲೆಗ್ ಕಂಡನೆ ಉಪ್ಪಂದಿನಪಗ ಬಂಜಿ ಬತ್ತಂಡ, ಮಿತ್ತ ಜಾತಿಗ್ ತೊಡಿಕೆ, ಸಮ ಜಾತಿಗ್ ಉಡಿಕೆ, ತಿರ್ತ್ ಜಾತಿಗಾಂಡ ಬುಡುಮಾನ್ಯ ಅಪರಾಧ ಮಲ್ತ್ ಆ ಜಾತಿಗ್ ಗೋಡ್ಯಾವೊಲಿ ಪಂಡೆನಾ ಭೂತಾಳಪಾಂಡ್ಲೆ.

೪. ಆ ಪೊಣ್ಣಲೆಗ್ ಮದ್ದೆ ಆಯಿಬೊಕ್ಕ ನಾಲ್ ಮೂಜಿ ಜೋಕುಲಾಯಿಬೊಕ್ಕ ಕಂಡನೆ ದೇಶಾಂತರ ಪೋಂಡ, ಪೊಣ್ಣನ್ ಬೇತೆ ಒರಿಯಗ್ ಉಡಿಕೆ ಮಲ್ತ್ ಕೊರ್ಪಿನ ಸಮ ಅತ್ತ. ಆಲ್ ಸಮಜಾತಿದಾಯನ ಸಾವಾಸ ಮಲ್ತ್ ಕಂಡನೆ ದಾಂತಿ ಪೂರ್ತು ಬಂಜಿನ ಆಯೊಲ್ಡ ಅಲೆಗ್ ಉಡಿಕೆ ಕೊರಿಯರೆ ಇಜ್ಜಿ. ತಿರ್ತ್ ಜಾತಿದಾಯೆ ಆಂಡ ಆಲ್ ಬುಡುಮಾನ್ಯ ಆಪೊಲು.

೫. ಮದ್ದೆ ಆತಿನ ಪೊಣ್ಣಗ್ ಕಂಡನಡ, ಆ ಕಂಡನೆ ಮೊಲೆನ ಹಾದರ ತೂದು, ಮೊಲೆನ್ ಬರ್ಪಾದ್, ಅಪ್ಪೆ ಇಲ್ಲದಕಲೆಗ್ ಒಪ್ಪಾಂಡ ಅಲೆನ್ ಬೇತೆ ಒರಿಯಗ್ ಒಡಿಕೆ ಕೊರೊಲಿ. ಕಂಡನೆ ತನ್ನ ಬೊಡೆದಿನ್ ಕೂಡಂದೆ ಬೇತೆ ಒರ್ತಿನ ಕೂಡೊಂದು ಮೊಲೆನೇ ಸಮೊಟು ತೂವೊಂದು ಇತ್ತಿಜೆಡ ಮೊಲೆನ ಸಂತಾನದಕುಲು ಆ ಕಂಡನರ್ದ್ ಬರ್ಪಾದ್ ಕುಡೊರಿಯಗ್ ಒಡಿಕೆ ಕೊರೊಲಿ. ಬೊಕ್ಕ ಬೊಡೆದಿಗ್ ಸಮಾ ನೋಪೊಂದು, ನೆರೊಂದು, ದತೊಂದು, ಉಪದ್ರ ಮಲ್ತಂಡ ನಾಲ್ ಮೂಜಿ ಸಲ ಕಂಡನ ಬೊಡೆದಿಗ್ ಸಾರಿದ್ ಪನೊಲಿ ಬೊಕ್ಕಲಾ ಅಕಲೆನ ನಡುಟು ಸಮ ಆಯಿಜೆಡ ಅಲೆನ ಸಂತಾನದಕುಲು ಆ ಕಂಡನರ್ದ್ ಅಲೆಗ್ ಬರ ಪನ್ನಾದ್ ಬೇತೆ ಒರಿಯಗ್ ಒಡಿಕೆ ಕೊರೊಲಿ ಪನ್ದ ಕಟ್ಟ್ ಬರೆಪಾಯೆನಾ ಭೂತಾಳಪಾಂಡ್ಲೆ.

೬. ಮದ್ದೆ ಆಪಿನೆರ್ದ್ ದುಂಬು ಪೋಣ್ಣು ಪೊಂಜೊವು ಆಯೊಲ್ಲ, ಮದ್ದೆ ಆವಂದೆ ಬಂಜಿ ಬತ್ತಂಡ, ಮಿತ್ತ ಜಾತಿದಾಂಡ ಅಲೆಗ್ ಬೊಕ್ಕ ಬಂಜಿ ಬರ್ಪಾಯಿನಾಯಗ್ ಅಪರಾಧ ಮಲ್ತ್ ಆಯಗ್ ದೀಡ್ ಕೊರೊಲಿ. ಜಾತಿದಾಯೆ ಆಂಡ ಮದ್ದೆ ಮಲ್ತೊಲಿ. ತಿರ್ತ್ ಜಾತಿ ಆಂಡ ಆಲ್ ಬುಡುಮಾನ್ಯ ಆಪೊಲು ಪಂಡೆನಾ ಭೂತಾಳಪಾಂಡ್ಯೆ.

೭. ಪೋಣ್ಣು ಮದ್ದೆ ಆವೊರ್ದು ದುಂಬು ಎರೆನೊಟ್ಟುಗಾಂಡಲಾ ಬಲ್ತ್ ಪೋಯೊಲ್ಲ, ಆಯೆ ಸಮ ಜಾತಿದಾಯೆ ಆಂಡ ಆಯಗ್ ಮದ್ದೆ ಮಲ್ತ್ ಕೊರೊಲಿ. ತಿರ್ತ್ ಜಾತಿ ಆಂಡ ಬುಡುಮಾನ್ಯ, ಮಿತ್ತ ಜಾತಿ ಆಂಡ ದೀಪಾದ್ ಕೊರೊಲಿ ಪನ್ದ ಕಟ್ಟಳೆ ಮಲ್ತೆನಾ ಭೂತಾಳಪಾಂಡ್ಯೆ.

೮. ಮದ್ದೆ ಆಯಿನ ಪೋಣ್ಣು ಕಂಡನನ್ ಬುಡ್ಡ್, ಸಮ ಜಾತಿದಾಯನ್ ಪತೊಂದು ಬಲ್ತೊಲ್ಲ, ಅಲೆನ್ ಆಯಗ್ ಒಡೆಕ್ ಕೊರೊಲಿ. ಮಿತ್ತ ಜಾತಿ ಆಂಡ ದೀಪಾದ್ ಕೊರೊಲಿ, ತಿರ್ತ್ ಜಾತಿ ಆಂಡ ಬುಡುಮಾನ್ಯ ಪಂಡೆನಾ ಭೂತಾಳಪಾಂಡ್ಯೆ.

೯. ಕ್ಷತ್ರಿಯ ಪೋಣ್ಣಲೆಗ್ ಕ್ಷತ್ರಿಯೆರೆ ಮರ್ಯಾದಿ. ಕ್ಷತ್ರಿಯೆರೆಗ್ ಬ್ರಾಹ್ಮಣೆರೆಗ್ ಕೈದಾರೆ ಮಲ್ತ್ ಮದಿಮೆ ಮಲ್ತ್ ಕೊರೊಲಿ. ಸಮ ಜಾತಿ ಆವಡ್ ತಿರ್ತ್ ಜಾತಿ ಆವಡ್ ಆಂಡ ಬುಡುಮಾನ್ಯ ಆಪೊಲು ಪಂಡೆನಾ ಭೂತಾಳಪಾಂಡ್ಯೆ.

೧೦. ಜೈನೆರೆ ಜಾತಿಗ್- ಸಮಜಾತಿ ಆಂಡ ಕೂಡಾದ್ ಕೊರೊಲಿ, ಮಿತ್ತ ತಿರ್ತ್ ಜಾತಿ ಆಂಡ ಬುಡುಮಾನ್ಯ ಆಪೊಲು ಪಂಡೆನಾ ಭೂತಾಳಪಾಂಡ್ಯೆ.

೧೧. ಮಲವರ ಜಾತಿ ಪೋಣ್ಣಾಂಡ, ಮಿತ್ತ ಜಾತಿ ಸಮ ಜಾತಿ ಆಂಡ ಅಲೆಗ್ ಕೂಡಾದ್ ಕೊರೊಲಿ. ತಿರ್ತ್ ಜಾತಿ ಆಂಡ ಬುಡುಮಾನ್ಯ ಆಪೊಲು.

೧೨. ನಾಯಮ್ಮಾರ ನಾಯರ ಈ ರಡ್ಡ್ ಜಾತಿಲೆಗ್ ಕನ್ಯಾ ಕಲ್ಯಾಣ ಅತ್ತಂದೆ ಸ್ವಯಂವರ ಇಜ್ಜಿ. ಅವೆರ್ದ್ ಬೊಕ್ಕ ಸ್ವಜಾತಿಗ್, ಬ್ರಾಹ್ಮಣೆರ್ ಇಂಚಿನ ಮಿತ್ತ ಜಾತಿಗ್ಲಾ ದೀಪಾದ್ ಕೊರೊಲಿ ಪಂಡೆನಾ ಭೂತಾಳಪಾಂಡ್ಯೆ.

೧೩. ಕದಂಬ ಜಾತಿ - ಕುಮಾರ ಬಲ್ಲಾಳೆಯಾಂಡ, ಸ್ವಜಾತಿ ಕ್ಷತ್ರಿಯ ಬ್ರಾಹ್ಮಣಾದಿಲೆಗ್ ದೀಪಾದ್ ಕೊರೊಲಿ. ತಿರ್ತ್ ಜಾತಿ ಆಂಡ ಬುಡುಮಾನ್ಯ ಆಪೊಲು ಪಂಡೆನಾ ಭೂತಾಳಪಾಂಡ್ಯೆ.

೧೪. ಸ್ಥಾನಿಕೆರೆಗ್, ಅಂಬಲವಾಸಿಲೆಗ್ ಸ್ವಜಾತಿ ಬ್ರಾಹ್ಮಣ ಜಾತಿ ಅತ್ತಂದೆ ಬೇತೆ ತಿರ್ತ್ ಜಾತಿ ಆಂಡ ಬುಡುಮಾನ್ಯ ಆಪೊಲು ಪಂಡೆನಾ ಭೂತಾಳಪಾಂಡ್ಯೆ.

೧೫. ಪದಾರ್ಥಿ ಹೊರಪೊದುವಾಳ್- ಈ ಜಾತಿದ ಪೋಣ್ಣಲೆಗ್ ಸಮ ಜಾತಿ ಆಂಡಲಾ, ಮಿತ್ತ ಜಾತಿ ಆಂಡಲಾ ಒಡೆಕ್ ಕೊರ್ದು ದೀವೊನೊಲಿ ಪಂಡೆನಾ ಭೂತಾಳಪಾಂಡ್ಯೆ.

೧೬. ಅರಸುಲೆಗ್ ಆಂಡ - ಬ್ರಾಹ್ಮಣ ಧಾರೆ ಮಲ್ತ್ ಕೊರೊಲಿ. ಆಯರ್ದ್ ಪುಟ್ಟಿನ ಜೋಕುಲೆಗ್ ಬೇತೆನೇ ಕೊರ್ಪನೆರ್ದಾತ್ರ ಕಂಭ ಕುಂಭಾದಿಲೆರ್ದ್ ದಾರೆ ಮೈತ್ ಕೊರೊಲಿ ಪಂಡೆನಾ ಭೂತಾಳಪಾಂಡ್ಯೆ. ಆ ಅರಸುಲೆಡ್ ಬೇತೆನೇ ಕೊರಿಯರೆ ಆವಂದಿ ಅರಸುಲಾಂಡ, ಬ್ರಾಹ್ಮಣ ಮರ್ಯಾದಿ ದಾರೆಲೆನ್ ಮಲ್ಪರೆ ಆವಂದ್ ಪಂಡೆನಾ ಭೂತಾಳಪಾಂಡ್ಯೆ. ಚೌಟ ಬಂಗರೆಗ್ ಬ್ರಾಹ್ಮಣ ಕಟ್ಟಳೆ, ಶುಭ ಅಶುಭ ಮರ್ಯಾದಿಲು ಉಂಡು, ಈ ಚಿಟುಪಾಡಿ ನಿಡುಂಬೂರು ಬಲ್ಲಾಳೆರೆಗ್ ಶುಭ ಅಶುಭಲೆಡ್ ಅವರ್ತ್ತ ಸಂತಾನದ ಮರ್ಯಾದಿಲು ಉಂಡು, ಈ ತುಳುವೆರೆ ದುಂಬು ನಾವಿಕೆರೆಲೆಗ್ ಪುಟ್ಟು ಕಟ್ಟಳೆ ಅಟಕವಾದ್ ನಡತೊಂದು ಬರೊಡು ಪನ್ದ ಪುಟ್ಟು ಕಟ್ಟಳೆ ಮಲ್ಪಾಯೆನಾ ಭೂತಾಳಪಾಂಡ್ಯೆ.



